



Pou Piblikasyon Imedya: 1/11/2022

GOUVÈNÈ KATHY HOCHUL

GOUVÈNÈ HOCHUL AK MANM KONGRÈ HIGGINS ANONSE 500.000 DOLA NAN FINANSMAN FEDERAL LA POU SIPÒTE EFÒ PREVANSYON YO POU VYOLANS SIBLE AK TEWORIS LOKAL

Finansman an sipòte operasyon kontinyèl evalyasyon menas ak jesyon ekip yo nan Buffalo ak Konte Monroe ak Niagara; sipòte kreyasyon nouvo ekip nan Troy; Ranfòse efò evalyasyon menas ak jesyon ki déjà ankou yo akòz Dekrè Egzekitif Nimewo 18 Gouvènè Hochul la

Gouvènè Kathy Hochul ak Manm Kongrè Brian Higgins te anonse jodi a ke Eta New York te resevwa 500,000 dola nan finansman federal pou kontinye ak efò eta a nan konbat vyolans sible ak teworis lokal. Finansman an, yo akòde atravè pwogram sibvansyon Depatman Sekirite Teritwa Etazini (Department of Homeland Security, DHS) an, pral sipòte antretyen ekip Evalyasyon ak Jesyon Menas (Threat Assessment and Management, TAM) nan Vil Buffalo, Konte Monroe ak Konte Niagara, ansanm ak devlopman yon nouvo ekip nan Vil Troy. Kreyasyon ak sipò Ekip Evalyasyon ak Jesyon Menas yo se yon poto enpòtan nan Dekrè Egzekitif Nimewo 18 Gouvènè Hochul la, ki te pibliye imedyatman apre atak Buffalo a epi ki egzije pou chak konte ak Vil New York elabore plan pou konfwonte teworis lokal.

"New York p ap janm blyie dis abitan Buffalo ke yon sipremasis blan te asasinén yon fason ensanse, epi nou rete trè konsantre sou konfwonte ak eliminate fleyo laterè lokal," **Gouvènè Hochul te deklare.** "Nou rekonesan pou patnè gouvènman lokal nou yo, ansanm ak patnè federal yo tankou Manm Kongrè Brian Higgins, epi finansman adisyonèl sa a pral ede sipòte ekip evalyasyon menas ak jesyon nan Buffalo ke travay enpòtan yo pral ede anpeche zak teworis lokal ak vyolans ki sible alavni".

Reprezantan Brian Higgins te deklare, "Vyolans ki sible yo ap ogmante. Nan mwa me, Buffalo te fè eksperyans li dirèkteman, lè yon tirè rasis an mas te sible kominote nou an, li te touye dis nan vwazen nou yo ak blese twa lòt nan yon makèt sou Jefferson Avenue nan Buffalo. Sibvansyon sa a pral sipòte travay lapolis ak ekip cherif yo nan Konte Erie ak Niagara pou evalye menas vyolans ak teworis ki sible yo, bay kominote a ak lapolis plis resous pou detekte ak entèvni nan risk sekirite piblik yo. Gras a lidèchip Komisè Bray ak Gouvènè Hochul ki te pouswiv finansman sa a, sa se youn nan 43 rekonpans nan nasyon an, ki founi yon envertisman demi milyon dola nan sekirite New York".

Ekip Evalyasyon ak Jesyon Menas (TAM) yo se ekip milti-disiplinè ki gen ladan lapolis, pwofesyonèl sante mantal, responsab lekòl, ak lòt moun ki gen enterè nan kominote a epi ki fèt pou evalye ak jere menas vyolans ki sible, ki gen ladan vyolans rasyal ak etnik. Deja, Eta New York te angaje 10 milyon dola nan finansman eta a pou sipòte devlopman Ekip TAM ak prim federal sa yo ranfòse angajman sa a plis.

Benefisyè sa yo se konsa:

Benefisyè	Sibvansyon
Depatman Lapolis Vil Buffalo	\$100,000
Biwo Cherif Konte Monroe	\$100,000
Biwo Cherif Konte Niagara	\$100,000
Depatman Lapolis Vil Troy	\$100,000
Divizyon Sekirite Teritwa ak Sèvis pou Ijans Eta New York	\$100,000
Total	\$500,000

Depi Dekrè Egzekitif Nimewo 18 la te premye pibliye, Divizyon Sekirite Teritwa ak Sèvis pou Ijans Eta New York (Division of Homeland Security and Emergency Services, DHSES) te toujou travay ak patnè lokal yo atravè eta a pou kòmanse bati Ekip TAM yo. Nan mwa out, Divizyon an te òganize yon somè de jou nan Sant Preparasyon ak Fòmasyon Eta a pou bay konte yo oryantasyon ki nesesè pou konstwi yon Ekip TAM ki gen siksè ak fason pou jwenn aksè nan pati pa yo nan 10 milyon dola yo nan finansman eta a pou sipòte devlopman yo.

Komisè Divizyon Sekirite Teritwa ak Sèvis pou Ijans Ian, Jackie Bray, te deklare, "Finansman enpòtan sa a ki soti kote patnè federal nou yo pral sèvi byen nan etabli solisyon ki baze sou kominote a pou adresè vyolans sible ak zak teworis lokal. Nou apresye patenarya nou konstwi avèk pati konsène lokal yo nan Lwès New York ak atravè eta a nan devlope ak soutni ekip evalyasyon ak jesyon menas yo".

Divizyon an administre sibvansyon pou Prevansyon Vyolans ak Teworis Sible (Targeted Violence and Terrorism Prevention, TVTP) nan non gouvènman federal la epi li pral sèvi ak patisipasyon li pou amelyore inisyativ fòmasyon nan tout eta a pou ede mete sou pye ekip TAM adisyonèl atravè Eta a, epitou pou fè rechèch ak analiz sou tandans nan tout eta a ki gen rapò ak vyolans sible ak prevansyon teworis.

Finansman pou pwogram sibvansyon TVTP a bay atravè Depatman Sekirite Teritwa Etazini pou gouvènman eta, lokal, tribi ak territoryal, òganizasyon san bi likratif, ak enstitisyon edikasyon siperyè yo avèk lajan pou etabli oswa amelyore kapasite pou anpeche vyolans ak teworis ki sible. Pwogram sibvansyon TVTP Ane Fiskal 2022 a gen plizyè priyorite mete an aplikasyon kapasite prevansyon nan kominote piti ak mwayen yo epi amelyore evalyasyon ak jesyon menas lokal yo.

Senatè Eta Tim Kennedy te deklare, "Finansman sa a enpòtan anpil, epi li pral sipòte efò kontinyèl pou adrese menas teworis lokal nan Buffalo ak Lwès New York an jeneral – yon bagay vil nou an ak reyon nou an bezwen anpil pandan l ap kontinye geri anba masak 14 me a. Nou rete rekonesan anvè Manm Kongrè Higgins ak Gouvènè Hochul pou angajman solid yo anvè sekirite piblik ak prevansyon vyolans estratejik atravè envestisman federal tankou sa a".

Majistra Buffalo, Byron Brown, te deklare, "Pi gwo priyорite mwen kòm lidè Vil Buffalo se kreye yon atmosfè kote rezidan li yo ka pwospere. Administrasyon mwen an ap travay chak jou pou asire Buffalo se yon kote ki an sekirite pou viv, travay ak vizite. Mwen remèsyé Gouvènè Hochul, Komisè Bray, ak Manm Kongrè Higgins paske yo se alye nan efò sa a".

Komisè Depatman Lapolis Buffalo, Joseph Gramaglia, te deklare, "Finansman sa a se yon adisyon ki byenvini ki pral ede fasilité plis patisipasyon nan depatman an epi li pral ede kontinye pi gwo gwoup pataj enfòmasyon nan Lwès New York. Ansanm ak Inite Jesyon Menas ki fèk anonse nan depatman an, nou kontinye kenbe ak amelyore pwoteksyon ak sekirite Vil Buffalo. Anons jodi a pral ede Depatman Lapolis Buffalo nan misyon sa a".

Patrick Madden, ki se Majistra Troy, te deklare, "Avèk yon popilasyon rezidansyèl divèsifye, epi kòm abri pi gwo inivèsite prive san bi likratif nan reyon an avèk etidyan ki soti nan plis pase 48 eta ak 28 peyi, li enpòtan anpil pou Vil Troy gen zouti ki nesesè pou abòde laterè lokal ak vyolans ki sible. Mèsi Gouvènè Hochul, Senatè Schumer, Senatè Gillibrand, ak Manm Kongrè Tonko pou lidèchip yo pou jwenn sipò finansye enpòtan sa a. Finansman sa a pral bay resous ki nesesè pou pèmèt Depatman Lapolis Troy ak ajans patnè yo kontinye travay yo pou idantifye ak rezoud menas yo yon fason pwoaktif, sitou sa ki rive pou rezon rasyal ak etnik yo".

Chèf Lapolis Troy Ia, Dan DeWolf, te deklare, "Depatman Lapolis Troy rekonesan anvè DHSES paske yo te chwazi pou resevwa finansman ak sipò pou kreyasyon yon ekip TAM (Jesyon Evalyasyon Menas). Bezwen pou kolaborasyon ak rezoud pwoblèm nan plizyè disiplin nan objektif pou idantifye potansyèl menas vyolan pa yon moun se yon bagay esansyèl pou rann kominate nou yo pi an sekirite. Depatman Lapolis Troy genyen yon relasyon solid avèk depatman sante mantal konte li a (RCDMH), inite kriz Lopital Samariten (Samaritan Hospital) an, Ofisyè Resous Lekòl yo ak Responsab Distri yo ansanm ak anpil founisè sèvis nan zòn nou an. Finansman ak sipò sa a pral itil espesyalman nan amelyore pratik aktyèl nou pou nou ka kreye yon ekip efikas epi entèvni anvan vyolans rive".

Cherif Konte Monroe, Todd Baxter, te deklare, "Konte Monroe apresye fon federal sa yo, ak Divizyon Sekirite Teritwa ak Sèvis pou Ijans Eta New York (New York State Division of Homeland Security and Emergency Services, NYSDHSES), ki pral non sèlman soutni Ekip Evalyasyon ak Jesyon Menas nou yo isit la, men tou ki pral pèmèt devlopman pwogram ki sanble atravè tout eta nou ak reyon nou an. Nou trè fyè pou nou ouvri wout la nan domèn sa a avèk kreyasyon Komite Konsilitatif sou Menas nan

Rochester (Rochester Threat Advisory Committee, ROCTAC) sa gen twa ane epi etabli estanda pou ekselans pandan n ap konstwi modèl sa a atravè New York, pou ankouraje lòt kominote yo adopte l. Nou tout dwe mete enfrastrikti esansyèl sa an plas; lavi depann de li".

Egzekitif Konte Erie Mark Poloncarz te deklare, "Teworis lokal se yon reyalite difisil nan peyi nou an, jan nou te wè isit la nan Buffalo nan dat 14 me. Anpeche moun sa yo sible sitwayen yo esansyèl pou gen kominote ki pi an sekirite epi Ekip Evalyasyon ak Jesyon Menas la pral ede idantifye ak neutralize moun danjere sa yo anvan yo ka aji. Finansman federal sa a pral ede Konte Erie ak kominote yo nan tout eta a pou anpeche atak teworis lokal alavni".

Dènye ogmantasyon nan atak laterè nasyonal la reprezante youn nan menas ki pi ijan pou sekirite publik atravè Etazini. Nan dènye deseni an, atak ak konplo teworis lokal yo te triple nan nivo nasyonal. An 2021, te gen 73 atak teworis ak konplo yo dekouvri nan Etazini, ki gen ladan 38 atak teworis ak konplo sipremasis blan epi ki pataje menm ide.

Enfòmasyon sou Divizyon Sekirite Teritwa ak Sèvis pou Ijans

Divizyon Sekirite Teritwa ak Sèvis pou Ijans Eta New York la ofri direksyon, kowòdonasyon ak soutyen pou anpeche, pwoteje kont, prepare pou, reponn ak, rekipere apre, epi diminye katastwòf ak lòt ijans. Pou w jwenn plis enfòmasyon, jwenn nou sou [Facebook](#), swiv nou sou [Twitter](#) oswa [Instagram](#), oswa vizit [sitwèb](#) nou an.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418